

新脩麻陽縣志 第

279.277.
38
1-10



新編麻陽縣志

同治癸酉
冬月開雕

新脩縣志序

後來敷化徵謠采風獻治闢遐方之聲教作史
乘之權輿麟麟炳炳可以顯當時傳後世者莫
重於志邑志昉自有明萬厯復脩於

國朝康熙乾隆間迄今百數十年矣天時遞變人事
迭更典章制度之廢興風土民情之移易欲因
源而溯委慨簡斷以編殘即一二卓節瑰行半
付諸瓦礫榛莽有傳有不傳矧自軍興以來粵

麻陽縣志

卷之首

序

逆竄擾於前黔苗蹂躪於後一時之後容就義
慷慨捐軀炳精忠若日星留浩氣於河嶽烈烈
凜凜亘古為昭者尤難更僕數我

皇上嘉乃績憫厥志猶將宣諸

國史載在旂常隆以俎豆馨香而名於茲不朽豈
志乘而可聽其闕如耶司牧者益難寬其責也
余以同治乙丑夏承乏來麻其明年即奉
大府檄飭脩志維時軍書旁午民不甯居迨邊



氛稍息得集邑紳議費脩舉適奉調入
覲倡其謀而莫興其事黔南姜君崑山踵余攝篆毅
然以此自任即就所籌費會邑之賢士大夫經
年採訪編輯成書第速於歲功少疏斟酌若遽
付剞劂未免瑜不掩瑕庚午秋余北旋復蒞茲
土取其書讀之思有以拾遺而補闕又以簿書
鞅掌恐蹈譎陋不文之誚因屬滕君梅樵袁君
子英與邑中二三君子廣為蒐羅詳加讎校澧

麻陽縣志

卷之首

序

一

蘭沆芷期採擷以弗遺亥豕魯魚務舛訛之悉
正諸君於是上稽星野下披輿圖類及於學校
藝文祀典田賦或仍其舊或引而新靡不典瞻
風華目張網舉其事實既確而可指其詞旨亦
約而能賅縷析條分無美不備而於忠孝節義
諸大端尤三致意焉不幾扶天地之奇匯古今
之要可信一邑而鑑千秋耶藏之名山傳之其
人庶潛德闡幽光發型方訓俗激濁揚清胥於

是乎在他如山川形勝城郭人民與夫物產之
菁華士風之篤厚無不備載是書足資省覽斯
役也非敢掠姜君之美亦殆藉邑人士之力而
盡余之職與心爾是為序

同治十二年歲次癸酉小陽月

賞戴藍翎湖南補用直隸州知州知麻陽縣事鄂城

吳兆熙識并書



麻陽縣志

卷之首

序

三

新修縣志序

麻陽有志創於有明萬曆續脩於

國朝康熙雍正乾隆間亦既詳且盡矣顧自乾隆迄今百餘年變故迭更遭逢各異戰攻禦守之方建置割隸之殊與夫士之崛起遐陬毅然成忠孝節廉之行起懦頑光史冊未嘗無人及今不書更歷數十百年將汨沒於煙荒草蔓碣斷碑殘浮沉庸眾口耳其真不傳噫可惜也

鍾琇

篆斯邑兵燹之餘饑饉因之爲民裕積儲捍外患浚洫崇墉鞅掌簿書暇難容刻無論

麻陽縣志

卷之首

序

一

代遠年湮未獲旁搜卽見聞所及亦不遑操鉛槧幸邊圉少安秋成大有民氣熙恬大府採脩湖南通

志

鍾琇

未敢自逸致一隅文獻畧無足徵爰集士紳

搜羅近事自乾隆歷同治謹依舊志分類續編刪其繁蕪挈其綱領其務浮夸鮮實事者不錄夫志卽史也必有關於人心風俗政治邊防因筆削之嚴寓勸懲之意能使後之人有所興感不視爲覽勝之書則又脩志之微意也是爲序

同治八年仲春月下浣日貴筑姜鍾琇謹序

新修縣志序

邑故有志自有明暨國初趙陳諸君纂紀之可謂備矣雍乾趙君宏儀秦君周楊君登訓復踵前事續者增之漏者補之奈僅藁本未付剖人積今數十年大半剝蝕同治三年南楚續脩通志疊飭郡縣將各志先脩送省會以備考稽沅屬當咸豐五六年黔逆倡亂時擾邊陲同治以來盪搖益甚麻亦邊邑當事者當茲兵戈頻仍團兵裕餉之不服能繙舊集叙新猷耶七年餞臘金筑姜君來興是邑繼前任吳君欲續

麻陽縣志

卷之首

序

二

商有事以_玉有襄事責更熟諮焉講武之餘繼以脩文志有天文驗災祥即可察櫓槍之或息焰也有地輿擇水陸即可就關津而設險也賦役軍儲之所由出學校人才之所由興生破殘之地猶登是壽耆當戰守之秋竟克成忠節則謂志爲一時紀事之書可爲一時備邊之書亦可其所志顧獨志也哉至政紀秩官風俗選舉藝文亦政之大也例得備書同治九年立春永綏王振玉序

新脩縣志序

志書昉乎經職方之所紀風詩之所陳皆間見錯出而尤莫備于禹貢一書濟河海岱言疆域也壺口衡漳言山川也總銓粟米言財賦也漆絲織文言物產也是即後之志乘所自昉也我

朝重熙累治一道同風異域殊方皆登紀載矧在各郡邑可不重志乘之作彰同文之盛歟麻陽僻屬邊陲自前明逮

國朝雍乾間其書四經修校徵文考獻于是乎在顧年月

麻陽縣志

卷之首序

一

寢久風俗有移易人物有迭出忠孝節義尤有湮沒未彰者是又不可不亟搜羅而補拾之矣同治庚午間姜君岷山吳君筱山前後迭宰斯邑毅然倡舉與諸君子踵其事蓋數年乃定焉甲戌之春予承乏斯土其書告竣已半付梓吳君筱山將往龍標殷殷以後半簡相託邑紳亦求警校加弁言焉予索而讀之見夫命意之嚴密採核之詳明詞藻之典則類例之釐晰諸美具備又何待持布鼓改金根貽譏於大雅爲耶願志以紀寶覽斯篇山川人物諸類固有合於

禹貢職方之體而忠孝節義讀者感發興起尤有風
詩勸善之遺旨焉緣不揣固陋稍有刪改並晚廣文
王君汝成點窺譌誤自維才薄無能爲役聊以寓稟
經之意且答諸君子屬望之心云爾是爲序

同治十三年六月既望署麻陽縣事容州黃金模謹序

麻陽縣志

卷之首序

原序

歲辛未余奉

命承乏茲土下車日取邑志讀之嘆曰甚矣哉邑之不可無志猶國之不可無史也雖然志亦難言已缺而未備者固非冗而失實者更謬若夫簡而能該核而匪濫維茲麻志庶幾近之何則麻自宋迄今屈指數百年天時人事文物典章何可勝舉今觀是書約凡四卷而山川名勝封域遠邇貢賦正錯物產精粗與治理人文之得失興替無不朗然具備情形灼見勸

麻陽縣志

卷之首

序

一

懲聿昭後此者何容擬議哉雖然麻之志自黃侯更訂以來忽忽將一紀矣其間征役之繁簡戶口之登耗歲時之豐歉教化之盛衰實有不能強之使同者倘必俟遲之又久而後載輯焉吾恐傳聞或謬名實多乖是亦官其地者不留心典籍之過矣昔漢宣帝察吏必稽輿圖朱晦翁守南康即講圖志余忝司牧三載於茲安可不亟亟耶維時田君長盛聶君愈岳滕生啟哲皆以博學多才著因以其事屬諸三君子相與披舊牒徵文獻往者仍之闕者增之大率簡而

能該核而匪濫彬彬乎較諸昔志有過之無不及也
蓋志爲紀實之書於事則必備於筆則必嚴用以信
今傳古顯微闡幽胥於是乎在茲志綱舉而目陳詞
嚴而義著吾知千百世後生於斯仕於斯者匪獨幸
實錄之足徵而且善者勸惡者懲莫不懍懍乎相誠
勉焉其所關於人心世教豈淺鮮哉書成請授諸梓
以備輜軒之采可矣是爲序

皆

康熙三十年孟夏文林郎知麻陽縣事嶺南增江陳

麻陽縣志

卷之首序

二

輝璧琢齋甫題於署中之玩鶴亭并書

原序

麻陽辰屬邑古唐宋錦州地屢以兵燹爲患政務殷繁令邑者不遑志蜀漢川蔡君令七年而政成民安始志其事以徵文獻守湖北道大參知南海郭公賜序弁其首政以志載志以序光郁乎都矣蔡君受而梓成以示余余卒讀嘆曰美哉蔡君之志麻陽也列以方輿建置守官人物例也而君於水利學校獨志之詳及哨堡衛屯雖附麻而非麻事亦並志之蓋思深而慮遠矣麻苦旱無備君爲導溝洫開水利麻人

麻陽縣志

卷之首

序

文不振君爲創學宮勵賢才麻隣苗苦侵擾君爲嚴哨堡重邊防三者皆政之大經而在麻尤爲肯綮君於民事罔不留心而三者尤注念麻民之康食安輯而人文蔚起者皆君賜也嗣君者循是行之麻可百世庇矣藉令當世尹皆如麻

聖天子垂拱而臻上理何煩宵旰圖也惻悃之吏實豐而名齋觀風採治以獻

天子而君以遺珠若無獻者其政又何如超卓而不可等倫耶夫吏近則其勢親故其名易達吏遠則其勢疎

故其實莫採君遠吏也惟務實不飾名祗期自盡而
不求達於上毋惑乎遺珠致歎矣雖然君以五載晉
州刺史而麻之父老詣院道攀留卒得以晉秩視縣
事則君已邀知遇乎民心已又何病矧百世而下循
是志即知有蔡君與漢魯恭卓茂並埒其所得不既
多哉即今旱稜歲詘麻民待命孔殷君其益勵初志
以圖報稱勲庸正未艾也

萬曆十有八年正月上元日

賜進士出身中憲大夫知辰州府事宛陵趙健拜書

麻陽縣志

卷之首

序

二

修志職名

督修

署湖南辰永沅靖兵備道 謝廷鏢 四川內江進士

分巡湖南辰永沅靖兵備道 楊翰 直隸新城翰林

分巡湖南辰永沅靖兵備道 杜瑞聯 山西太谷翰林

署湖南沅州府知府 章學淵 江西玉山進士

署湖南沅州府知府 吳嗣仲 雲南保山舉人

署湖南沅州府知府 周簪 貴州畢節監生

署湖南沅州府知府 豫章 滿洲廂藍旂監生

麻陽縣志

卷之首

修志職名

總修

署麻陽縣知縣 姜鍾琇 貴州貴筑監生

補用直隸州麻陽縣知縣 吳兆熙 湖北江夏監生

同知銜署麻陽縣知縣 黃金模 廣西容縣優貢

總纂

同知銜沅州府學教授 劉士先 湖南溆浦舉人

遇缺即選知縣麻陽縣教諭 王振玉 湖南永綏貢生

監修

遇缺儘先即補知縣麻陽縣丞 田瑚 廣西全州監生

知縣用候選縣丞高村巡檢 郝汝森 山東棲霞監生
知縣用候選縣丞麻陽縣典史 沈景賢 順天大興監生

協纂

巳酉科選拔候選教諭 滕 喆

新化縣學附生 袁 鏞

壬戌科舉人候選教諭 陳運亨

分纂

恩貢生候選訓導 聶師儼

候 選 訓 導 滿伯熊

麻陽縣志

卷之首

修志職名

二

候 選 訓 導 張光燦

候 選 訓 導 滕嗣良

丁酉科副榜候選訓導 黃志全

貢生候選訓導 滕紹基

貢生候選訓導 劉掄元

貢 生 田樂山

叅訂

巳酉科選拔候選同知 鄭元慶

總理

訓

導

田荆華

訓

導

黃定禮

訓

導

左公槐

教

諭

陳士紳

訓

導銜廩

生

孫述之

訓

導

田雋

協理

訓

導

聶各奎

廩

生

龍祖濱

麻陽縣志

卷之首

修志職名

三

翰林院待詔銜附生

滕唐李

采輯

訓

導

田繼茂

訓

導

滕嗣源

訓

導

張興楠

訓

導

傅騰蛟

訓

導

鄭元鴻

訓

導

張銘謙

訓

導

滕嗣炳

訓

導 歐官懋

貢

生 薛光宗

附

生 滕夏蓮

校對

廩

生 鄭年岐

訓

導 曾慶雲

訓 導

銜 廩 生 黃德茂

翰林院待詔銜附生 張書紳

廩

生 黃燹

麻陽縣志

卷之首

修志職各

四

增

生 舒鴻猷

庠

生 李杜

繕書

廩生 滕國臣

附生 田明軒

附生 滕興霖

附生 曾慶霖

附生 陸必銘

附生 聶廷楠

附生 田芳杰

采訪

封職 譚大為

封職 吳世輝

職員 龍有化

職員 滕唐虞

職員 龍行之

職員 陳光南